


T46955/2926(35)

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

MAR 30 1956



宋宰輔編年錄卷之二十一

宋太常博士徐自明著

寧宗紹興五年

七月丙午陳騫知樞密院事

自參知政事除

余端禮參知政事兼同知樞密院事

自同知樞密院事除癸未免

癸未趙汝愚樞密使

自知樞密院事除

制曰總樞機之秘任莫重於本兵等宰輔之尊位充

高於建使迺嚮宗雋方陟台司茲曲徇於遜辭俾就

陞於與領載敷丕號具論群工

具官趙汝愚端亮簡明疏

通博達論茲壇宇本君子之畫忠學貫源流合古人

宋宰輔編年錄卷之二十一

哈佛大學哈佛燕京圖書館藏



宋太常博士徐自明著

寧宗紹興五年

七月丙午陳騏知樞密院事

自參知政事除丙申兼參知政事

八月

余端禮參知政事兼同知樞密院事

自同知樞密院事除癸未免兼

癸未趙汝愚樞密使

自知樞密院事除

制曰總樞機之秘任莫重於本兵等宰輔之尊位充

高於建使迺疇宗雋方陟台司茲曲徇於遜辭俾就

陞於典領載敷丕號具諗群工

具官趙汝愚

端亮簡明疏

通博達論竑壇宇本君子之畫忠學貫源流合古人

之守約早繇簡擢徧歷要華旋分任於樞庭寢冠榮
於政路股肱之寄要在忠力固能坐折於遐衝甲兵
之問不至廟堂每務講明於自治屬予初政賴爾嘉
猷惟勞舊者息必優而望隆者禮亦異爰登次相允
協具瞻佐理陰陽而下遂萬物之宜何力陳於冲牘
運籌帷幄而決勝千里之外亦均倚於重權肆特峻
於班聯庸增嚴於事任崇周家司馬之職邁漢相太
尉之名酌顯秩以超加倍腹租而併衍萃爲茂渥實
示殊褒於戲夙夜宥密之基方欽承於休命文武久
長之用宜勉究於令圖尚服訓言益觀美報

樓鑰詞

是年七月甲子上初卽位丙子汝愚除特進右
丞相辭不拜癸未改除正議大夫樞密使八月
丙辰申命爲相是夏孝宗亦遐其秋留公去位
公獨決大計定社稷上旣登極公又卽日面奏
乞召還留公預差委殯宮總護使而侍御史張
叔椿請議留公棄國之罰遂遷叔椿吏部侍郎
而留公復位如故後旬餘上乃除公特進右丞
相公自以同姓之嫌且近事處君臣之變不敢
論功又自大中大夫遷九官非故不敢當親札
諭旨公猶力辭上勉從之仍以特進爲樞密使

時陳公駸已除知院事公不容退卽舊次故不復辭職而獨辭所遷九官上亮公之誠祗遷三

官爲正議大夫

行狀

甲申羅點端明殿學士簽書樞密院事

自兵部尚書除

點字春伯臨川人九月庚午致仕

八月丙辰留正罷左丞相

正自淳熙十六年正月拜右丞相紹熙元年七月拜左丞相正乞解機政自四年六月至於十一月始宣押赴堂治事五年六月正復出國門及上卽位始復召是年八月罷入相四年餘

韓侂胄寢謀干政時詣都堂及公召還一日復至趙汝愚閣中公聞之令省吏諭使去曰此非知閣往來之地侂胄大怒而出由是亟謀去公八月九日降制授公少師觀文殿大學士判建康府公辭詔仍舊少保以觀文殿大學士充醴泉觀使十月以張叔椿言落職慶元元年六月上知公力請建儲始未以上皇付公御批八字進入復公原職二年正月以劉德秀言落職罷祠三年閏六月以張釜言責授中大夫光祿卿分司西京邵州居住四年九月量移南劍州五

年二月詔許自便四月復光祿大夫提舉洞霄宮六年閏二月上章納祿詔復原官職致仕未幾以林采言依舊光祿大夫致仕九月復觀文殿學士金紫光祿大夫嘉泰元年九月進封魏國公累食邑一萬一千戶食實封三千九百戶二年十二月復少保觀文殿大學士開禧二年四月公聞有邊事歎曰禮樂征伐自天子出侂胄何人誤國至此哉自是憂形於色寢食俱廢七月疾且革惟念邊事無休薨享年七十有八訃聞上輟視朝二日贈太師行狀

正叙復光祿大夫制曰虧盈益謙斯為天道記功忘過時乃朕心念黃髮之既愆悵丹書之未洗惻然懷舊許以自新具官留正 往在先廟嘗司揆務繼事聖

父顯秉國成崖岸峻而軒裳所瞻鼎足強而棟幹弗撓方朕御圖之始適逢當軸之虛亟命造廷俄嗟去位賈生嘗賦於單閼夢得思問於大鈞深念此行殊非得已至於過公議而下內遷之詔屈邦憲而聽從便之居前代之處放臣久無此事我國之優故老元有異息而猶分務於別都則是尚聯於謫籍爰寵還於峻秩俾遙領於真祠示帝王予奪之公全君臣終

始之誼噫面三槐而開黃閣已深悟於昔非棄萬事而從赤松尚勉晞於後福

同日趙汝愚右丞相自樞密使除

制曰履帝位以御邦方圖政理立宗英而作相蔽自

朕心雖退處於樞庭當載還於揆路乃申前命爰告

具僚具官趙忠實而淵通光明而俊偉少年射策憂

世已深壯歲逢辰愛君益甚壽皇咨其切旨屢敷心

腹之言太上察其篤誠徑委股肱之寄擢居宥府密

贊壽惟逮予有興厥功尤大名矣托天之手粲如導

日之星是為狗主以忘身豈曰因人而成事亟頒詔

綽俾踐台符何循墻之過懃致及汗而中止既孤輿

望殊咈眷懷魚水方歡固自君臣之相與袞衣未備

幾若朝廷之不知矧今政令之未孚復多旱水之間

作是圖賢佐以贊繁機越彼拘攣不膠者卓矣置於

左右亦職有利哉非為朕私其遂我相仍進優崇之

秩更加沃衍之封於戲旦奭之於周家嘗兼師保之

任勉石之在唐室俱稱宰輔之賢若前朝故實之未

聞與後日攀援之自此毋庸再述皆已熟知其思注

意之隆勿徇執謙之舊樓鑰詞

汝愚自七月丙子拜右丞相辭勉遂改拜樞密

使至是復拜右丞相力辭不獲批荅辭勉劄子
曰王者官人惟賢是用周封同姓後世謂以宗
強者是疑聖人以私也文王百男其人多賢故
命之爲諸侯豈以疏戚爲間哉卿出於皇族而
負王佐之才凡所歷官皆宗姓之所未有壽皇
知人之明由庶僚而擢之侍從太上委寄之重
越故事而付之樞機肆朕纂承遂登揆路輔相
一體何用固辭卿毋自疑朕意已決又批荅曰
累聖之典高宗之訓朕非不知之恐後人由此
而進亦非不念此也惟卿才足以周天下之務

道足以任天下之重使生於前朝亦當越故事
而大用後必有宗姓如卿者然後可任此官其
遂相予不必籍此而力辭也○八月留正出判
建康申命公爲

光祿大夫右丞相親札付學士樓公鑰云趙汝
愚宗姓之賢偉然忠實太上體壽皇圖任之意
擢實機衡肆朕繼承厥功爲大俾居宰路控避
莫回殊咈眷懷尤專輿望朕惟不膠者卓維時
之宜今政令未孚水旱間作得一賢佐度越拘
孳萬機寔繁其遂我相可除右丞相公辭之再

三且面陳懇悃皆不可乃言於上曰陛下雖待臣不疑而臣之孤蹤與臣所處之地臣不得不自疑蓋自祖宗以來宗室無爲宰相者又陛下龍飛偶在一時攀附之列臣之蹤跡愈高則愈危望陛下保全置之安地必不得已俟阜陵復土兩宮重權望陛下許臣先去於是退始就職然權倖小人多不便遂相與排擊善類以肆動搖正言黃公度待講朱公喜監察御史吳公獵起居郎劉公光祖吏部侍郎彭公龜年相繼去國公力論救皆不回自度志不得行去意益决

請去至再復不許面諭公曰丞相欲去洎侯太上相見徐議進退公納劄子榻上上復自取授公而退明年正月八日北使朝辭公命家人治裝欲以九日退朝遂行事稍泄權臣恐其善去他日或復用也將以計款其行是日晚遽宣鎖云微聞欲行祔廟賞仍趣治裝而公之客或曰上即位甫爾公進退宜謹故聽之翌日果以孝宗祔廟備著忠勞階特進故事祗遷一官時遷三階復力辭至二十三日始聽遷官如故事既辭特進不拜授銀青光祿大夫又二日李沐之

諛進矣行狀○公嘗念藝祖受命立極垂萬世之
 統為宋太祖熙寧中屈於王安石之議久未正
 廟祀東向之位知禮者多以為非既當國首請
 用韓維孫固寺議遇裕享奉藝祖東向而祠僖
 宗而下於別廟慶元元年春國家馴致間暇公
 亦屢丐歸不許奮然思大有為乃率同列於上
 前極言今日弊政首陳立志以正始且及仁祖
 開天章閣故事以謂一時更革總數事小人側
 目諛謗並興而范富尋皆去位權臣方蠅營狙
 伺乘隙抵巇聞之益懼嘯集表侶分置要途凡

可肆其排擊不遺餘力雖聖上曲加保全而卒

懼於禍同上

九月壬申京鏜端明殿學士簽書樞密院事自刑部尚書除

鏜字仲遠隆興人

十二月己巳陳騏罷知樞密院事

騏自紹熙三年六月除同知樞密院事四年三
 月除叅知政事五年七月除知樞密院事是年
 十二月己巳丐閑除職與郡尋除資政殿大學

士宮觀

庚午余端禮知樞密院事自叅知政事除慶元元年二月戊寅兼叅知政事

京鏗參知政事

自簽書樞密院事除

鄧僑同知樞密院事

自吏部尚書除

端禮除知樞密院事制曰朕惟兵權總於樞筦孰當

魁柄之隆時望疇於政途茲得鴻儒之舊誕揚成渙

庸示殊褒

具官余端禮

端里而裕和寬閔而肅括受知烈

祖忠備罄於論思祗事上皇功尤多於調護召從家

食權位天官出分帥閩之雄來二機庭之邃廟謨默

契帝眷深逮予纂紹於邦圖乃命參陪於揆路不

改有常之度愈堅匪懈之誠是用晉掌本兵式咨遠

略既有加於邑賦仍真錫於井腴用聳群瞻茂昭異

數噫國家是時及閒暇豈武備之可忘道德之威成

安強斯狀猷之有賴其思勵翼以副倚毗

鏗參知政事制曰朕永惟至治亟圖共政之人樂得

碩材輟自本兵之地方深眷倚爰示寵嘉

具官京鏗

襟度

粹夷噐資疑重久矣徧儀於中外卓然立志於事功

禮執殊鄰孝祖擢登於法從政成全蜀上皇召宣於

文昌逮茲御極之初翊我鴻樞之運訐謨經遠敏識

燭微載疇帷幄之庸俾贊鈞衡之任噫有常德以立

武事既資已試之能建大政以興太平尚冀方來之

效往祗厥命益遠乃猷

僑同知樞密院事制曰朕以有邦初政可忘武備之
 修貳我鴻樞宜亟儒英之用既符人望庸畀綸言具
 鄭早以異才冠於多士學問本於醇正進退得於從
 容遣以交鄰義不辱於君命召而前席言弗為於身
 謀積望采高來歸何晚屬纂丕圖之始尚淹大江之
 東念帥闕之久勞還文昌之舊著講帷進列備見忠
 誠宥密參華尤資碩畫乃啓侯封之寵仍增井賦之
 豐兼錫直腹式昭異渥惟踐揚之久則其謀必審惟
 亟養之至則其用必宏無競維人予既虛心而眷倚
 有常立武爾其一德以替襄

僑字惠叔興化人舉進士第一僑辭免批荅曰
 卿久儀禁路人望最高垂上政途詳試帥闕天
 官之長至勤三入西樞為貳蓋亦晚矣○山陵
 畢事端禮加正奉大夫僑加宣奉大夫

慶元元年 乙卯

二月戊寅趙汝愚罷右丞相除觀文殿大學士依前

制曰朕寅奉基圖優崇宰輔內為天子之老賴經體

贊元之大猷外為諸侯之師倚典戎幹方之大略出

入藩輔之用雖異始終眷遇之恩不衰爰敷治朝以

詔多士具官趙汝愚高明而重厚實博而淵深應變守文

兼有大臣之能事善謀能斷獨當天下之危機雅推人望之隆進陟冢司之重蓋烈祖嘗有大用之意姑遺後人惟本朝舊拘左戚之嫌特捐故事頃我家之多難賴碩輔之精忠持危定傾安社稷以爲悅任公竭節利國家無不爲旣隆翊載之勲尚期啓沃之助虛心無作朕惟籍謀猷告后之忠成功不居汝遽慕明哲保身之義力陳忱悃祈避煩言是用冠書殿之班聯付帥垣之節制眷此七閩之會屢從十乘之行圖所便安昭於體貌於戲命公望以來輔旣優賜履之崇祖山甫而永懷寧忘補袞之舊益思體國母有

遐心

鄭僎詞

汝愚自紹熙五年八月拜右丞相是年二月罷入相凡六月右正言李沐首論汝愚之過遂有是命○是時韓侂胄因前日傳道詔旨已得親近上左右乘間竊弄權柄其所以謀害公者計已深矣公平時氣貌方嚴未嘗假人辭色及爲相尤重惜名器不以朝廷官爵曲徇人情或言侂胄意望節鉞而公反裁抑之專務汲引忠賢愛惜善類故小人之嗜進者多附侂胄舉皆不樂而右正言李沐遂論公罷相行汝愚辭福州狀

之命降詔不允尋全臺上言乞寢右丞相趙汝愚福唐之命且以職名奉祠遂依舊觀文殿大學士提舉臨安府洞霄宮尋落職十二月責授寧遠軍節度副使永州安置

責永州制曰屈釐與廣利妄議武帝戮之於事聞之初林甫輔明皇不忠肅宗誅之於論定之後是皆宗室之為相率陷譴訶而致刑本朝深鑒於前車同姓不登於揆路雖欲選任亦難曷居果罪戾之徹聞豈憲章之幸免且常趙汝愚色厲而內荏身私而託公偶早竊於科名已徧塵於華要惟歷年典故之未有尚巧

計經營而欲為嫌疑既弗避於此時狂僭知難防於異日朕位繇主器躬獲紹圖蓋承太上御札之倦勤復奉隆慈誨言之詢旨父子之傳本於素定堂陛之勢豈其易陵而乃敢貪天功遂執國命謀動干戈而未已人孰無疑談符載之不經意將安在過歸君而有暴揚之迹威震主而無退斂之思盤互妄邪參通籌策內欲擅移軍帥而結腹心之死黨外將生事戎夷而開邊境之釁端每務紛更非獨朝廷之不可實懷怨望殆將路人而皆知茲第令解職以包容乃頗有訟寃之指教愈喧物論具載臺評其黜授於散

官以竄投於遠郡自今立政立事我其守祖宗用人之規無有作福作威爾庶知家國名分之戒勿忘自

省尚體寬息

汪義端詞

二年正月庚子汝愚以疾薨於衡陽得旨歸葬二月中書舍人吳宗旦繳汝愚復官言臣切見故相趙汝愚死於衡陽訃音來聞聖慈惻怛至洒宸翰與復元官許其歸葬德至渥也欲乞且令歸葬以伸陛下待遇之私更不牽復元官以慰天下議論之公實為幸甚奉旨依後自故資政殿學士太中大夫追贈少保加贈少師嘉定

元年追復觀文殿大學士銀青光祿大夫

贈少保告詞曰人主以天地為心刑賞率歸於忠厚

大臣與國家同體死生當極於哀榮念飾終之未周

每懷舊而有感

具官趙汝愚

系聯屬籍名冠儒科陪淳熙

侍從之班受先帝樞機之寄肆朕初政擢登宰司中

因議論之交騰遂使寵章之乂閔仰念祖宗之法每

隆輔相之恩苟有過焉常遷就而為之諱逮其亡也

必惻怛以致其情繫我後人敢忘此意矧厲精而更

化方建極以用中凡海內之群才舉無終棄豈地下

之一老顧使獨遺爰追錫於篆車以流光於壤戶噫

朝而目送尚思加禮於絳侯見若毛生寧忍少息於
德裕幽魂不泯明渥其歆楊炳詞

追復觀文殿大學士告詞曰朕慨念忠臣力扶王業

安社稷以為悅夙高輔翼之勲質鬼神而無疑可後

哀榮之典誕揚綸命敷告綿區具官趙汝愚節挺松筠忠

貫日月特立獨行之操不愧古人至公血誠之心可

任大事自晉參於國秉實深慰於民瞻堂堂濟世之

規凜凜捐軀之義惟時烈祖遽反真遊承 文考與

子之慈對越天地相冲人事親之孝保乂邦家爰命

奮庸允資篤棊嗟權臣之媚嫉挾諛說以震驚謫處

偏州僅踰中壽雖亟從於甄復猶未免於蔽蒙惟人

心不可以厚誣故公道自然而昭白盡還職秩追賈

泉扃孚號明功破一時之欺罔易名紀德垂千古之

光華載疇子姓之良簡在班聯之近以伸朕志以協

師言噫成王之任姬公隆禮於居東之後文帝之待

周勃釋疑於就國之餘義匪間於古今人適殊於存

歿尚惟英魄式監至懷蔡幼學詞

初孝宗從萬里而召公也蓋將屬公以輔弼之

寄光宗排群議而用公也乃所以承孝宗之心

而主之命公以相也亦以兩朝欲行未遂之志

布告大廷而申命之耳公歆然自視每進輒辭
連疏至十二上引避或踰時越月不得已而後
拜方甲寅之歲天步多艱人無固志搢紳大夫
首鼠者陰拱默觀儉狡者潛懷向背宗社之勢
危於一髮公獨上稟慈訓奮然以身當橫流洶
湧之衝無復却顧使光宗與子之意以明憲聖
擁佑之烈以著神器既定實爲我宋無疆之休
古所謂社稷臣公足以當之矣然諛人罔極熒
惑天聰公竟以遷墮而大賢經濟之事業卒不
得盡白於斯世豈不惜哉當權臣專政時不能

不內慊於心嘉泰二年二月復公資政殿學士
大中大夫開禧元年七月贈少保賜謚二年以
諸子遇郊霽加贈少保其後權臣謀動干戈幾
危宗社上奮發英斷大正典刑公道旣明上益
思念公之元勳嘉定元年二月盡復元官詔太
常趣賜謚謚法忘身奉上曰忠安民大慮曰定
遂易名忠定十二月內出親札特贈太師追封
沂國公行狀○始公罷政公論爲之不平上自朝
列下至韋布之士交疏論辨用事者以竄殛鉗
天下之口終莫能制或爲之謀曰食肉者必棄

其骨今留之以集蠅蚋孰若與其骨遠屏之以
絕蠅蚋之望故公遂有零陵之責小人之用心
亦惜矣未幾衡陽訃聞人心益憤多爲挽章私
相吊哭至大書揭於都城觀闕之上歸葬詔下
衡陽之人往往以手加額靈輦所經父老焚香
迎拜於道左或至泣涕萍鄉闔邑以竹枝標楮
錢於門外望樞拜而焚之煙焰爲之蔽空朱公
熹在建寧劉公光祖在蜀俱以書來言閩蜀之
人雖深山窮谷寡婦稚子聞訃莫不憤歎以至
流涕公論之在人心者果何得而掩哉上同○公

嘗論中興宰輔尤稱趙忠簡公昂之爲人念其
家遺書散落嘗訪求得其奏藁事實等書讀之
輒感慕歎息不能去手及公得禍亦略相似云

四月己未余端禮右丞相

自知樞密院事兼參知政事遷銀青光祿大夫除

制曰稽古建官莫重王朝之論相代天理物必資揆
路之得賢朕臨御惟艱疇咨敢怠爰命紫樞之長進
居黃閣之崇廼輯廷紳誕敷制綍具官余端禮温恭而氣

勁疑靜而謨明智周萬物之原學貫九流之邃孝宗
擢之於庶列亟躋法從之班聖父召之於留都遂畀
輔臣之任益殫忠盡力贊政機迨予嗣歷之初尤籍

同寅之助迭掌東西之二府兼明文武之兩途內則密勿廟謨以慮四方外則整齊戎律以令諸將清規足以範俗深謀足以濟時進退百官詳試知人之鑒調娛衆務究觀識治之才蔽自予衷與之國秉用正鈞衡之寄毋勞夢卜之求超授文階增陪并賦以示奮庸之選以昭注意之隆於戲夙夜基命而單厥心朕欲起太平之盛朝夕納誨以輔台德爾其繼良弼之名表正士風訪求民瘼及間暇而脩刑政之要專燮理以致陰陽之和若股肱耳目之相湏將天地祖宗之臨汝懋承明渙期底成功

端禮辭右丞相批荅曰惟昔宗盟嘗居槐宰之任若時卿家亦應柘溪之祥尚其遠邁於古人相與共興於大業

同日京鏗知樞密院事自太中大夫參知政事除

鄭僑參知政事自宣奉大夫同知樞密院事除

謝深甫端明殿學士簽書樞密院事自中奉大夫試御史中丞兼待

讀除

鏗知樞密院事制曰當國家間暇之時既有常而立武長樞機周密之地在圖任於舊人肆登帷幄之英庸渙絲綸之寵具官京鏗寬宏而有守沉靖而善謀秀出

縉紳之聯綽有廊廟之器簪筆持橐告猷備罄於兩
 朝歷井捫參賦政尤高於全蜀迨予訪落於爾迪知
 乃自納言之聯俾贊本兵之寄每飭戎昭之果毅莫
 成德威之安強政路參華已著謨明之效幾廷擢冠
 茲為柄用之專肇錫公主仍增并賦式示褒崇之異
 且彰禮貌之殊噫雖安忘戰必危當益嚴於師律惟
 事有備無患斯永固於邦基繫時老成奚俟訓告
 僑參知政事制曰朕競業御圖焦勞求治一相處乎
 內方有賴於奮庸四輔惟其人詎可忘於額俊乃睠
 爽邦之哲允符共政之圖爰錫贊書式昭眷意具

鄭才宏而器博學粹而識明奏篇自冠於布韋養望
 以推於柱石論思道盡晚蒙烈祖之知調護功多夙
 被慈皇之眷得此兩朝之傑輔予今日之休擢貳紫
 樞有嘉謀略晉陪黃閣庶展經綸念天時人事之所
 關兼士氣民心之攸匪藉同寅之佐曷臻累洽之期
 我其大監撫于時敢懷逸豫爾有嘉謀告于后乃副
 倚毗益茂忠誠實為良顯

深甫簽書樞密院制曰人重本兵允賴股肱之佐儀
 圖在位必先耳目之官惟時獨坐之賢宜賓西樞之
 要既疏新渥爰錫明綸具官謝學冠儒流才推國器

州縣早更於繁劇朝廷徧歷於高華孝宗嘉其朴忠
 由棘丞而將使指太上欲其詳試自柱史以典神臬
 予素簡知命司風憲持心近厚白簡無深刻之文燭
 理甚明金華有切磋之益爰加書殿之職晉陪武帳
 之謀非特異運籌決勝之功庶幾收疆本折衝之效
 益修武備豈惟暇時幾事不密則害成固宜藏用軍
 實無日不申儆茲為遠猷永肩乃心祇若予計訓

深甫字子肅台州人

慶元二年 丙辰

正月庚寅余端禮左丞相

自右丞相除遷特進

京鏗右丞相

自知樞密院事遷正議大夫除

端禮左丞相制曰有熊之佐風后配夫上台天乙之
 興仲虺居於左相惟朕躬之冲菲奉慈訓以纂承置
 噐於安將保基圖之固涉淵攸濟不忘宵旰之勤仰
 纂帝王之盛隆俯思俊哲以翊贊疇若予采有能奮
 庸惟時次輔之賢佑我初元之政久膺鉅任茲陟冢
 司揚於王庭渙其大號具官余端禮篤厚謹禔身之行忱
 誠堅許國之心在坤爻則包黃裳之文於鼎象則安
 玉鉉之節寬而栗柔而立德能彰吉而有常茂而間
 深而通事每並行而不謬早被孝宗之眷復膺太上

之知流連六官出入三觀其盤舊學常保乂以有殷
君陳東郊繇分正而入告擢在本兵之地適逢內禪
之秋宗廟以安旣共參於大策姦邪不起復有賴於
忠臣予嘉乃勲爰置諸右而能深戒擅事吝權之失
備殫任公竭節之勞山甫柔嘉夙夜匪懈於補衮之
闕安世謹密從容甚近如驂乘之時至於壞植散群
遂良登傑奮發雖繇於予斷矢陳悉本於汝謨國是
旣明士風寢革陰陽順序年穀以登夷狄脩和邊鄙
不聳將究彌縫之用可無褒進之恩惟茲元宰之崇
無若昭文之重久虛席而不拜蓋得賢而後居佐天

于理萬幾俾顛持於魁柄分長史爲兩府庸並建於
弼臣庶志慮之合同於事功而叶濟規摹已定要當
力底於大成朋比旣祛罔或輕搖於浮議副朕所望
在卿優爲爰超賜位之階以作群公之表衍其采食
豐厥真畬以彰體貌之隆以厚股肱之寄於戲無疆
惟休無疆惟恤敢忘受命之承克艱厥后艱厥臣克適
觀敏德之又尚思棗迪之篤遠邁明良之康惟用勸
干我家終有辭於永世

鏗右丞相制曰勅天命而兢萬機在代工之無曠熙
帝載而宅百揆資奮庸之有能朕念顧禔於皇穹逮

纂承於慈極任重守大懼於闕以不違謨明弼諧孰
厥德之允迪保我邦圖之固助予旰食之勤追想古
人至遠求於夢卜豈如今日迺近在於樞機其輟本
兵俾陞次輔誕揚孚號播告路朝具官京鏗疏通裕開
濟之才鯁亮著直方之操物能名而事能斷智常究
於精微撓不濁而澄不清量莫窺於涯浹早遇盤根
而知利器遂策高足而據要津我豸栢臺廷臣憚其
正色爭禮羶幄匈奴不敢桀心旋爲諭蜀之行尤展
籌邊之略逮朕初載冠于從班一觀長者魁梧之姿
卽知公輔遠大之器子房之授高祖言殊石水之授

馬周之遇太宗契踰膠漆之固寄之心腹擢在疑丞
論說無疑殆若巨魚之縱壑姦邪不起復如猛虎之
在山確持尊君親上之誠力建壞植散群之策洎予
總攬將遂延登屬方倚於廟謨始進顯於武柄運帷
幄而決千里之勝旣厭難以銷萌理陰陽而遂萬物
之宜盍贊元而經體方今國是雖明而未臻於醇一
士風雖革而尚起於講張年穀新登倉廩之儲尚寡
戎狄久好邊陲之備宜脩凡此數端皆如

舟楫願之迄濟况輔弼之並建實左右之具宜
相與協恭而和衷必能熙績以興事思邦家之大政

力底于成遇朋比之浮言勿為之惑爾能素綽予望
 深期陟彼華資既越三階之峻衍夫員食仍增千室
 之封以昭體貌之優以究勲庸之茂於戲蕭曹為冠
 豈專務於規隨房杜同心蓋相資於謀斷其思夾介
 之義以迪允升之猷能立太平之基亦有無窮之聞
 鏗初封祁國公五年八月丁亥以太上皇誕節
 上壽拜少保進封鄭國公

同日鄭僑知樞密院事自參知政事除

謝深甫參知政事自簽書樞密院事除三年正月癸卯兼知樞密院事

何澹同知樞密院事自御史中丞除

澹字自然處州人

四月甲子余端禮罷左丞相除觀文殿大學士判隆興府制未入

端禮自慶元元年四月拜右丞相二年正月拜左丞相是年四月罷入相一年尋提舉臨安府

洞霄宮

壬申何澹參知政事自同知樞密院事除

葉翥端明殿學士簽書樞密事自吏部尚書除

翥字處州人

慶元三年丁巳

正月壬寅鄭僑罷知樞密院事除資政殿大學士知福州

僑自紹熙五年十二月除同知樞密院事慶元元年四月除參知政事二年正月除知樞密院事是年正月丐閑故有是命執政二年

慶元四年 戊午

正月丙寅葉翥同知樞密院事

翥自慶元二年四月除簽書樞密院事是年正月除同知樞密院事七月丐閑除資政殿學士知隆興府在樞府二年餘後知紹興府又知福州

八月丙子謝深甫知樞密院事兼參知政事 自參知政事除

許及之同知樞密院事 自吏部尚書除

及之字深甫永嘉人六年六月己巳以母憂罷

慶元六年 庚申

閏二月庚寅京鏜左丞相 自右丞相進封冀國公

謝深甫右丞相 自知樞密院事遷金紫光祿大夫除

鏜左丞相制曰斗魁之下曰三台夙炳中階之象太微之垣有上相獨先顛面之朝朕法天建官臨政願治繇績紹慈謀之始首褒崇近弼之英秉國均而具

爾瞻既明 偉績輔台德而置諸左宜陟冢司渙敷制綽

之公臨告廷紳之衆 具官京鏜 道方而氣裕業粹而用開

學貫古今蘊尊主庇民之略智周事物兼守文應變之才德量足以服衆心忠謀足以斷大議早結知於烈祖復被遇於上皇爭禮折穹廬之驕典藩增井絡之重逮及眇冲之質益深簡注之懷既陟疑丞旋躋近如貞觀之有戴胄振厥綱維如漢家之任留侯籌於帷幄惟師虞之僉穆嚴帝載之奮熙莫不詔八柄以馭群臣杜群枉而開衆正立綱陳紀贊爲世法程之規薄賦輕徭全與民休息之惠百穀屢豐於農扈織塵不警於邊陲瑞牒効珍聖父衍康寧之福璇穹錫羨元良開震夙之符時浸格於豫和功實資於寅

亮欲彌縫之益寃豈褒進之敢稽既穆卜以襲祥庸涓剛而申命疇爾盛勛之懿位於元宰之崇黃耳玉鉉之華翊丕基而增華希冕篆車之飾兼亞傳以陞班易原武之公主啓冀方之胙社拓其多井陪乃貞畚以彰一意之倚毗以侈千齡之會遇於戲遂萬物而佐陰陽之理尚思外鎮於四夷冠群后而依日月之光當使聲施於百世勉圖可大之業協濟非常之功繫我宗工奚煩多訓

深甫右丞相制曰大臣國之股肱惟其人而立政賢相民之師表置諸右以輔台朕奉慈訓以續承攬繁

機而競業迺矐疑承之彥備殫翼亮之勤夙藉樞機
 之遠猷進而強本式疇中外之偉望咨以奮熙誕敷
 明綸粵告列序具官謝深甫量疑而寢正學博而才全事
 能應物能名智獨窮於微眇柔 不茹剛不吐節蓋
 秉於直方孝皇一見而深知太上肆加於隆委比菲
 質紹基圖之始以瓌材為公輔之儲爰即二卿遂躋
 獨坐尊人主如堂之勢簾陛遠而難攀進忠臣憂國
 之言姦邪為之不起亟延登於兩社旋復本於五兵
 每協恭而和衷益圖事而揆策訐謨屢告議論通乎
 古今廟筭是禪宥密基於夙夜政之維御罔不飾將

之紀律罔不張裔夷讐其威稜邊圉底乎靜謐惟器
 之宏者應彌裕而績之優者任必隆矧太微上相之
 輝列次星而交映而聖代昭文之重以集賢而並崇
 肆命贊元庸均宅揆言觀當世之急務蓋究經邦之
 求圖建立大政以興太平方資蕃飾杜閉群枉而開
 衆正益賴彌縫務休養所以培國家之基救時幾所
 以荅天地之况凡子注意皆爾究懷屬並峻於鈞衡
 初匪勞於夢卜諒精神之胥契實左右之具宜陟以
 三階既具昭於徽數陪其多戶庸併衍於真租以昭
 體貌之優以侈會逢之盛於戲贊如晦之斷蓋可同

心而濟謀得宋璟之剛允賴守文而持正將究觀於
偉業復遠邁於昔人其廸訓辭以承休命

六月鏗進封魏國公 深甫六月封申國公十

月進岐國公十二月進魯國公嘉泰二年十二

月辛卯拜少保

同日何澹知樞密院兼參知政事

自參知政事除

制曰基命勤於夙夜允資密勿之謀執政均於股肱

兼賴賡襄之力舉時二柄之重付我全才之英爰錫

褒緝以昭寵渥

具官何澹

忱恂而勁正闡亮而裕和淵識

貫乎古今瓌文發諸經緯暴聲名於當世早擅掄魁

附羽翼於初潛蔚為舊學兩職中司之憲獨高直節

之風虛懷極其延登駿假俾之參預舉偏補弊而靡

或過正協恭

和衷而不為苟同坐致紀綱之張助

成朝野之豫既益彰於素望庸推正於紫樞屬方時

平敢忽武備謀臣猛將當庶為數世之儲尺藉伍符

宜盡汰積年之冗矧復裨於幾務皆有賴於謀猷拓

其多井之封陪以真奮之賦其加徽數彌示隆知噫

文武為憲萬邦蓋倚兼資之略精神折衝千里異成

強本之功宜對褒崇愈勤翊亮

七月丁卯陳自強端明殿學士簽書樞密院事

自御史中

自強字勉之福州人

八月丁酉少傅左丞相京鏜卒

鏜自慶元二年正月拜右丞相是年閏二月拜

左丞相是月薨入相三年餘

嘉泰元年 辛酉

七月乙卯何澹罷知樞密院事

澹自慶元二年正月除同知樞密院事四月除

參知政事六年閏二月除知樞密院事是年七

月丐祠除資政殿大學士與郡執政四年餘

甲子陳自強參知政事兼同知樞密院事

自簽書樞密院事除

八月甲申兼知樞密院事

張釜端明殿學士簽書樞密院事

自禮部尚書除

釜字君亮丹陽人

八月甲申張巖參知政事

自給事中除

程松同知樞密院事

自諫議大夫除

巖字肖翁湖州人松字冬老池州人

同日張釜罷簽書樞密院事

釜自是年七月除簽書樞密院事是月丐祠以

端明殿學士官觀

嘉泰二年 壬戌

七月己巳程松罷同知樞密院事

以父喪解官

松自開禧二年四月差充四川宣撫使制置司職事併歸宣撫司仍免知成都府後以逆曦之叛松自西蜀遁歸章良能繳程松與宮觀指揮奉聖旨降三官落職送筠州居住嘉定元年三月臣僚上言謹按順昌軍節度副使澧州安置程松昨為赤縣諂事殿帥吳曦遂得潛結韓侂胄致宥密前年西事之方興也侂胄松入蜀正以與曦有舊欲其協力以為關外之舉而松才

不足以馭其姦疑適足以趣其變叛書既聞身為元帥上不能糾合鎮發一矢以報國家下不能堅忍少俟以安蜀人之意舉五十四州之地以遺之如弁髦土梗然而更貽逆賊尊以王爵受其厚賂明日遂行逆其從叛之心誅之亦未為過而權臣徇私祇用輕典徑以散官置於善地謂之罰當其罪可乎奉聖旨程松責授團練副使賓州安置

八月丙子袁說友同知樞密院事

自吏部尚書除

說友字

安吉人

十一月庚戌陳自強知樞密院事

自參知政事除

三年正月丙申

兼參知政事

制曰朕仰模天象登用人材烏奕斗樞不應西垣之

次幹旋機柄密承北極之尊遴選真儒式當隆委具

陳自強良玉不斲大器晚成居之安資之深自得聖賢

之蘊澄不清撓不濁孰窺喜愠之容一見而簡帝心

數年而躋要路諫坡獻替每輸冒日之忠瑣闥塗歸

貞有回天之力君子之勇雖賁育不能奪仁人之言

非堯舜不敢陳其勁正障百川之狂瀾其醞藉備四

時之和氣由中司之雄劇陟右府之崇嚴二三執政

之臣均謂肱之助半千逢辰之慶是宜禮貌之優加

秘殿之隆名畀貞封之新渥朝夕納誨而輔台德正

倚謀猷夙夜基命而殫厥心共成勳績斯有無窮之

問采植太平之基

同日許及之參知政事

及之前為同知樞密院事丁母憂服闋從吉赴

召遂有此除

嘉泰三年 癸亥

正月己卯謝深甫罷右丞相 觀文殿學士

判建康府

深甫自慶元六年閏二月拜右丞相是年正月

丐閑判建康府入相二年

後封申國公

甲午張巖罷參知政事

除資政殿學士知平江府

巖自嘉泰元年除參知政事是年正月罷在樞

府一年餘

戊戌袁說友參知政事

自同知樞密院事除

傅伯壽端明殿學士簽書樞密院事

自翰林學士除

伯壽字

泉州人○二年辛丑以端明殿學

士除在京宮觀嘉定元年四月臣僚奏故簽書

樞密院事觀文殿學士傅伯壽生於忠義之家

首為諂諛之倡侂冑盜權之始伯壽為浙西憲

納誓殺啓即指故相為跋扈且云澄清方效於

范滂跋扈忽聞於梁冀人無耻矣咸依右相之

山我則異於獨仰文公之斗首明趨向願出陶

鎔寅緣入朝不畏清議由繳駁以斥逐善類假

草詞以詆毀師儒其弟聞之撫几嗟惜曰名節

掃地盡矣未幾以所言欺罔而與宮觀色斯舉

矣愈切悲鳴僥倖重來曲意諛悅躡登西府見

謂非宜扶曳謝恩顛頓失措疏其罪惡合正嚴

誅而祕殿降名老死牖下贈卹之典與勲舊同

若非追貶而削奪之何以為姦邪之戒奉聖旨

追三官

二月乙巳費士寅端明殿學士簽書樞密院事

士寅字

人

五月戊寅陳自強右丞相

自知樞密院事
除制未入

開禧二年正月庚辰兼樞密使

樞密使制曰中階之燮元化夙登宰路之榮鴻樞之

幹萬兵峻陟使端之重合文武之二柄寄安危於一

身

具官陳
自強

簡重而裕和高明而博達器不期於小用

學自得於大成識慮造微炳若著龜之先見純誠守

止屹然金石之弗移頃接武於禁嚴旋奮庸於丞弼

儀圖物望晉秉國均紀綱法度咸適於中陰陽風雨

各得其叙每謙謙而不伐曾斷斷以無他念未靖於

邊氛迺方深於憂顧眷時元老盍展壯猷遠稽列聖

之宏規近攷中興之鉅典爰卽鈞衡之地仍兼宥密

之司唯屬任之采專宜徽音之具舉蔽自朕志協於

僉諧申陪多賦之優併衍貞畬之入云云

同日許及之知樞密院事兼參知政事

自參知
政事除

九月庚午袁說友罷參知政事

說友自嘉定二年八月除同知樞密院事是年

正月除參知政事是月除職與郡執政一年餘

十月癸卯費士寅參知政事自簽書樞密院事除四年四月丙午

兼樞密院事

張孝伯同知樞密院事自華文閣學士知鎮江府赴召除

孝伯字伯子歷陽人

嘉泰四年甲子

四月甲辰許及之罷知樞密院事

及之自嘉泰二年十二月除參知政事三年五

月除知樞密院事是年四月罷再執政一年餘

開禧三年十一月葉時奏乞將許及之竄責得

旨降兩官送泉州居住

丙午張孝伯參知政事自同知樞密院事除八月罷

錢象祖同知樞密院事自吏部尚書除

象祖字 台州人

十月庚子張巖參知政事自資政殿學士知揚州被召除開禧二年三月乙巳

兼知樞密院事

開禧元年乙丑

三月癸未費士寅罷參知政事除資政殿學士知興元府

士寅自嘉泰三年二月除簽書樞密院十月除

參知政事是年三月丐外除知興元府執政凡

二年

四月戊子劉德秀端明殿學士簽書樞密院事自吏部尚

書除

制曰具官劉德秀弘深而肅括和裕而直方志負經綸有

尊主庇民之略學臻壺奧達守文應變之機夙簡予

衷俾司言責見諸糾逖悉符天下之公凡所建明深

識時務之要旋奏中臺之最聿隆巖石之瞻迺倦直

於承明一麾出守復遠綏於全蜀萬里於行虛佇端

歸之音彌高難進之節屢更歲籥還踐天官朕念人

望不可以久稽兵本尤嚴於圖任參決廟勝孰踰老

成爰進位於宥庭仍通班於秘殿

德秀字 隆興人

戊戌錢象祖參知政事兼樞密院事自同知樞密院事除

制曰具官錢象祖簡靖而善謀粹和而有守學窮六藝生

平每耻於空言智周萬微中外不辭於歷試扈從聲

論思之益蕃宣推惠養之仁公望聿隆家聲彌振逮

擢居於宥密益茂著於猷為瞻惟迺祖迺我孝皇遠

垂勵翼之規綽有典刑之舊是用幹璿杓而東指授

政柄以左旋遂登踐於世官仍共禋於廟笑

七月辛丑韓侂胄平章軍國事以太師永興軍節度使充萬壽觀使平原

郡王拜平章軍國事

制曰公師之尊文武寧分於二道將相之重安危實
佩於一身眷予社稷之元臣久典腹心于中禁勲德
俱茂神人具孚茲特軼於故常俾晉專於平決誕敷
丕號敷告路朝具官韓識超群倫學洞聖域代稟堪
輿之間氣世兼鼎鼐之全材挺身而障狂瀾獨運濟
時之典扶日而行黃道亶高定策之功精誠金石之
貫通果銳風雷之迅發仁既安於區夏義不去於皇
家以謨訓啓迪上心以勤勞昭示臣節大公至中正
道而立高爵厚祿所樂不存憂民惟飢渴之思用事
絕黨偏之徇內外單盡始終扶持上承三宮率伸父

子之主愛下飭百度幾若祖宗之盛時屢蒙威格於
康年四闕均陶于渥澤比建賢明之嗣允咨宏遠之
謀凡有益於朕躬居必關於卿慮越予先正歷輔累
朝勒銘宗彛侑食清廟伊一時之施置誠萬世之楷
模積慶之長至孫彌大顧輿望之交屬豈併任之可
稽矧今憲章雖具而持守之不嚴議論有餘而事爲
之不足王政當脩莫盡拊循之實民力當厚未聞節
約之方流風唯徂於自營在列常嗟於乏使凡此世
務孰爲國憂朕惟任重道遠者不可以辭其勞業廣
功崇者不可以私其用必賴爽邦之哲力恢垂世之

規是用釋使領之清閑揭臣工之表倡仍冠槐庭之
峻聿昭台路之崇申衍祖腹肇新組采在漢安世以
司馬而錄尚書若唐西平田尉府而踐中令皆以旂
常之績首躋翊亮之司况稽元祐之已行厥有維師
之故事疇乃碩望對予前聞絕席千官之聯折衝萬
里之外式隆體貌益鞏基圖於戲必也正名將稷契
臯夔之是紹見諸行事矣蕭禮魏之足云蓋難得者
無間之君臣易失者有爲之歲月聿登躋於上宰竚
發施於壯圖往其祇承永底休又

九月丁亥劉德秀罷簽書樞密院事

規是用釋使相之清簡楊臣工之表倡仍冠魏庭之
峻聿昭台路之崇申衍祖服肇新紐未不漢安世以
司馬而錄尚書若唐西平田尉府而致中令皆以斯
常之績首躋翊亮之司况稽元祐之已行厥有繼師
之故事疇乃頌聖對予前聞絕帶干官之懸折衛鼎
里之外武降靈貌益章基圖於戲必也正名將授契
皇夢之是紹見請行事矣肅肅魏之足云蓋難得者
無聞之君臣易夫者有為之歲月聿登躋於上宰於
發施於壯圖往其祗承永厥休又

九月丁亥劉德秀罷客書樞密院事

